

Cofnodion y cyfarfod o Fwrdd Chwaraeon Cymru a gynhaliwyd ar 25 Chwefror 2019 yng Nghanolfan Genedlaethol Chwaraeon Cymru

Yn Bresennol: Lawrence Conway (Cadeirydd), Pippa Britton (Is Gadeirydd), Ashok Ahir (AA), Ian Bancroft (IB), Richard Parks (RP), Judi Rhys (JR), Yr Athro Leigh Robinson (LR), Johanna Sheppard (JS), Phil Tilley (PT), Alison Thorne (ATH), Martin Veale (MV)

Y staff oedd yn bresennol: Sarah Powell (Prif Weithredwr), Paul Randle (PR), Graham Williams (GW), Brian Davies (BD), Amanda Thompson (cofnodion)

Arsylwyr: David Rosser, Llywodraeth Cymru (DR)

1. Croeso/ymddiheuriadau am absenoldeb

Croesawodd y Cadeirydd PR i'w gyfarfod cyntaf. Hefyd croesawodd ddychweliad RP yn ddiogel o'i anturiaethau diweddar yn yr Antarctig. Byddai JS yn gorffen ei hail dymor yn gwasanaethu ddiwedd Ebrill a diolchodd y Cadeirydd yn ffurfiol iddi am ei gwasanaeth ymroddedig i Fwrdd Chwaraeon Cymru. Byddai Llywodraeth Cymru yn recriwtio hyd at bedwar aelod Bwrdd newydd dros yr haf. Byddai hyn yn cynnwys rhywun i gymryd lle Christian Malcolm, a ymddiswyddodd ddiwedd mis Rhagfyr 2018. Mae Christian wedi ymfudo ar gyfer rôl newydd gydag Athletau Awstralia.

Derbyniwyd ymddiheuriadau am absenoldeb gan Harrison Clayton, Cynrychiolydd Grŵp Llywio'r Llysgenhaddon Ifanc, a Liam Hull.

2. Datgan budd

- JR mewn perthynas â SW(19)04, adolygiad y Rhaglen Pobl Ifanc Egnïol. Roedd JR wedi mentora Jane Mansell wnaeth gydysgrifennu'r adroddiad.
- RP mewn perthynas â'r Gronfa Cyfleusterau, am ei gyswllt â Chwaraeon Eira Cymru a'i bresenoldeb yn y pencampwriaethau Alpaidd eleni.
- MV, Ymddiriedolwr gydag Wellbeing Merthyr, a dderbyniodd gyllid Nofio Am Ddim.
- JS, aelod bwrdd o Sport Resolutions a swydd ei chwaer fel Cadeirydd Badminton Cymru.
- IB mewn perthynas â SW(19)09 Buddsoddiadau Partner ac SW(19)07 Buddsoddiad Cyfalaf ar gyfer cyllid perthnasol i Gyngor Bwrdeistref Sirol Wrecsam.
- LR mewn perthynas â SW(19)09 Buddsoddiadau Partner am y cyllid a dderbyniwyd gan Brifysgol Metropolitan Caerdydd.

3. Adroddiad y Cadeirydd a Gweithredol

Roedd y Cadeirydd wedi mynychu'r Fforwm Arweinwyr Cyhoeddus ar 31 Ionawr lle'r oedd Prif Weinidog Cymru wedi dweud ei fod eisiau gweld gwell cyswllt rhwng sefydliadau'r sector cyhoeddus yng Nghymru.

Nododd yr Aelodau'r adroddiad.
Cyf. Papur: SW(19)01

4. Agenda caniatâd

Nododd yr Aelodau gynnwys y cofnod ymgysylltu.

5. Polisi a chraffu

5.1 Diweddariad Tâl a Graddfa (ffocws)

Roedd pleidlais Undeb y PCS a gynhaliwyd ym mis Ionawr wedi gwrthod y cynnig. Yn ystod mis Chwefror, cynhaliodd PR gyfarfodydd agored yn CGChC a Phlas Menai er mwyn i staff allu lleisio eu barn ac i awgrymu ffyrdd ymlaen. Hefyd roedd Pwyllgor Gweithredol y Gangen (BEC) wedi gofyn am adborth gan aelodau'r Undeb. Cytunodd aelodau'r Bwrdd y dylai'r weithrediaeth ofyn am drafod parhaus gyda'r Undeb a'r BEC er mwyn dod i gytundeb ar y cyd. Byddai'r grŵp prosiect Tâl a Graddfa gyda chynrychiolaeth o'r Bwrdd yn parhau i oruchwylio'r gwaith. Byddai Llywodraeth Cymru yn cael gwybodaeth gyson.

Cyf. Papur: SW(19)02 (cyfrinachol)

5.2 Adroddiad Ch3 y Cynllun Busnes

Cyflwynodd GW yr adroddiad hwn ar y cynnydd ar gyfer y trydydd chwarter fel y mesurwyd yn erbyn y cynllun busnes.

- Roedd yr Arolwg ar Chwaraeon Ysgol wedi cael croeso brwd a denodd sylw positif gan y cyfryngau. Roedd y staff yn dechrau ar gyfres o gyfleoedd ymgysylltu i dynnu sylw at yr wybodaeth a gafwyd o'r dystiolaeth.
- Roedd Gwobrau Chwaraeon Cymru wedi bod yn ddigwyddiad llwyddiannus ond roedd lle i wella'r digwyddiad. Byddai trafodaethau'n cael eu cynnal gyda'r BBC ar sut i wella'r digwyddiad eleni.
- Roedd Chwaraeon Cymru wedi derbyn £5m ychwanegol o gyllid cyfalaf gan Lywodraeth Cymru, a byddai'n rhaid gwario'r cyfan erbyn diwedd mis Mawrth 2020.
- Roedd y meysydd yn cael sylw parhaus yn ymwneud â Phlas Menai a'r amserlen ar gyfer adolygiad staff yn unol â'r strategaeth newydd.

Nododd yr Aelodau'r adroddiad.

Cyf. Papur: SW(19)03

5.3 Adolygiad y Rhaglen Pobl Ifanc Egnïol (RhPIE)

Cyflwynodd GW yr adroddiad hwn, oedd wedi'i dderbyn yn flaenorol gan y grŵp llywio. Byddai'r argymhellion yn cael eu troi'n gynllun gweithredu i gyd-fynd â'r strategaeth newydd a'i meysydd gwaith allweddol, yn enwedig CSAP.

- Roedd y RhPIE wedi trawsnewid yn fodel partneriaeth hyblyg yn ymateb i anghenion lleol.
- Roedd y RhPIE yn darparu gwerth da am arian ac roedd wedi datblygu er gwaethaf toriadau i'r gyllideb. Byddai lefel y cymryd rhan yn gostwng heb fuddsoddiad y RhPIE.
- Roedd angen cadw profiad a sgiliau'r gweithlu a'u datblygu yn y tymor hir.
- Roedd llawer o amrywiaeth yn y dulliau cyflwyno ar lefel leol. Roedd hyn wedi meithrin arloesi a ffocws ar flaenoriaethau lleol ond roedd angen gwneud mwy i sicrhau cysondeb ar draws y rhanbarthau. Byddai CSAP yn cynnig y cyfle hwnnw, gan sbarduno cyfranogiad ym mhob cymuned.
- Roedd rhaglen y Llysgenhadon Ifanc yn ffynnu ac roedd yn rhan greiddiol o'r RhPIE. Roedd y Llysgenhadon Ifanc yn llais cryf i bobl ifanc a gallent fod yn sail i'r agenda iechyd a lles ar lefel leol.
- Roedd cyswllt y RhPIE ag addysg ac i eirioli ar ran llythrennedd corfforol yn hanfodol, gan ychwanegu gwerth at y cwricwlwm, sgiliau gweithlu a manteision eraill (presenoldeb, gwerthoedd ac ymddygiad).
- Dylai cyswllt y RhPIE â pholisi ac arferion iechyd gael ei ddatblygu ac roedd partneriaeth Chwaraeon Cymru ag ICC a CNC yn gyfrwng am well cyswllt.

- Roedd y RhPIE yn cyd-fynd yn gadarn â nodau Llesiant Cenedlaethau'r Dyfodol.
- Dylai'r RhPIE fod yn rhan ganolog o'r Weledigaeth ar gyfer Chwaraeon a chyflawni'r strategaeth newydd.

Ar ôl i'r Bwrdd ei gymeradwyo, byddai'r adolygiad yn cael ei rannu gyda phartneriaid cyflawni, Llywodraeth Cymru a'r Pwyllgor Cyfrifon Cyhoeddus. Byddai GW yn mynd â'r adroddiad i gyfarfod y Pwyllgor Plant, Pobl Ifanc ac Addysg yn y Senedd ar 6 Mawrth, i fwydo i'r trafodaethau ar y strategaeth 'Pwysau Iach, Cymru Iach'.

Cymeradwyodd yr Aelodau yr argymhellion a'r camau nesaf.
Cyf. Papur: SW(19)04

5.4 Strategaeth Chwaraeon Cymru

Cyflwynodd y Prif Weithredwr yr adroddiad hwn. Yn gynharach yn y dydd, roedd y Bwrdd wedi llunio'r drafft diweddaraf o strategaeth Chwaraeon Cymru fel ymateb i'r Weledigaeth ar gyfer Chwaraeon. Cytunwyd y byddai'r drafft terfynol yn cael ei rannu gyda'r Aelodau am olwg derfynol arno i gael cymeradwyaeth ffurfiol iddo.

Cyf. Papur: SW(19)05

5.5 Llywodraethu Bwrdd

Cyflwynodd yr Is Gadeirydd yr adroddiad hwn a gwnaeth argymhellion ar gyfer diweddarau strwythurau a phrosesau llywodraethu Bwrdd fel rhan o weithredu egwyddorion a chynllun gweithredu'r Fframwaith Llywodraethu ac Arweinyddiaeth ar gyfer Cymru.

- Nodwyd mai JR, nid LR, oedd yn gweithredu fel cynrychiolydd Bwrdd ar gyfer y Gronfa Iach ac Egniol.
- Roedd y cylch busnes yn dangos y darnau allweddol o waith oedd yn ofynnol i'r Bwrdd eu cwblhau drwy gydol y flwyddyn. Roedd y cynllun gweithredu Llywodraethu yn dangos pa gamau gweithredu oedd yn ofynnol, gyda'r amserlen a'r cyfrifoldeb. Roedd disgrifiad rôl yr Aelod Bwrdd wedi cael ei ddiweddarau i adlewyrchu ehangder llawn y rôl. Hefyd gwnaed diweddariadau i ofynion penodol rôl fel aelod o'r Pwyllgor Archwilio, Risg a Sicrwydd a'r Pwyllgor Tâl.
- Cytunwyd y byddai trafodaethau 'ffocws' yn cael eu cynnal yn ad hoc yn unig, fel eithriad ac nid fel trefn arferol.
- Byddai hysbyseb a phroffil rôl Llywodraeth Cymru ar gyfer recriwtio Aelod Bwrdd yn cael ei dosbarthu pan fyddai ar gael. Gofynnwyd i'r Aelodau hybu'r cyfle ymhlith eu rhwydweithiau.

Cymeradwyodd yr Aelodau yr argymhellion. Byddai gofyn i bob Aelod lofnodi copïau unigol o'u disgrifiad rôl. Byddai'r Is Gadeirydd yn cynnal gwerthusiadau'r Aelodau yn ystod y 6 mis nesaf.

Cyf. Papur: SW(19)06

5.6 Buddsoddiad Cyfalaf

Cyflwynodd BD yr adroddiad hwn yn rhoi gwybod i'r Aelodau am y buddsoddiad ychwanegol o £5m mewn cyfleusterau chwaraeon oedd wedi'i dderbyn gan Lywodraeth Cymru. Diolchodd y Cadeirydd yn ffurfiol i'r Gweinidog Diwylliant, Chwaraeon a Thwristiaeth a DR am sicrhau'r buddsoddiad hwn ar gyfer chwaraeon.

- Gofynnwyd i'r Aelodau gymeradwyo'r rhestr o brosiectau a argymhellir ar gyfer y £1m cyntaf, oedd yn gorfod cael ei wario erbyn diwedd mis Mawrth 2019, a chymeradwyo'r meini prawf ymgeisio a'r broses o wneud penderfyniadau am y £4m sy'n weddill i'w wario erbyn diwedd mis Mawrth 2020.

- Byddai'r casgliad cyntaf o fuddsoddiadau'n mynd i brosiectau cyfarwydd a oedd yn barod i gael y golau gwyrdd ac y gellid eu cwblhau erbyn mis Mawrth 2019.
- Byddai ymestyn y cynllun caeau 3G cydweithredol presennol yn cael ei gynnwys, gyda photensial am hybu arwynebau aml-chwaraeon llai. Roedd rhaid i'r defnydd fod ar sail gynhwysol.
- Cytunwyd y dylai cynrychiolydd o Chwaraeon Anabledd Cymru ymuno â'r panel ar gyfer yr ail gasgliad o fuddsoddiadau. Byddai'r meini prawf yn cael eu cadarnhau erbyn diwedd mis Mawrth. Byddai'r broses ymgeisio ar-lein yn agor yn ystod y Pasg. Byddai Plas Menai'n gymwys (o fewn terfynau).

CAM GWEITHREDU BD i gyflwyno diweddariad ar y buddsoddiadau a gymeradwywyd i'r cyfarfod nesaf o'r Bwrdd ym mis Mai.

Cymeradwyodd yr Aelodau yr argymhellion.
Cyf. Papur: SW(19)07

5.7 Diweddariad yr Adolygiad o Gyfleusterau Cenedlaethol

Cyflwynodd ATH yr adroddiad hwn yn crynhoi camau gweithredu'r grŵp hyd yma ac yn gofyn am adborth i ddylanwadu ar gam nesaf yr adolygiad. Roedd y cam cyntaf wedi cynnwys casglu gwybodaeth, gan gynnwys arolwg cyflwr adeiladau a dadansoddiad ariannol. Roedd yr ail gam wedi cynnwys cynnal astudiaethau ymarferoldeb a llunio opsiynau ar gyfer dyfodol y ddwy Ganolfan Genedlaethol. Roedd disgwyl cwblhau argymhellion i'r Bwrdd a rhanddeiliaid perthnasol erbyn mis Ebrill 2019.

Roedd FMG Consultants wedi cynnal dadansoddiad manwl ym Mhlas Menai ac roedd y tîm rheoli yno wedi cyflwyno cynllun gweithredu i leihau diffyg y gyllideb ar ddiwedd y flwyddyn. Byddai'r crynodeb o argymhellion yn cael ei rannu gyda'r staff. Roedd dadansoddiad pellach wedi'i gomisiynu er mwyn deall effaith gymdeithasol ac economaidd Plas Menai.

Dyma'r meysydd oedd yn cael eu hystyried:

- Pwrpas y ddwy Ganolfan Genedlaethol yn unol â'r Weledigaeth ar gyfer Chwaraeon a'r strategaeth.
- Y goblygiadau ariannol, yn gostau cyfalaf a refeniw bynyddol, a pha opsiynau oedd yn bosib ar gyfer model gweithredu busnes wrth symud ymlaen.
- Modelau busnes ar gyfer y dyfodol.
- Effeithiau posib ar y gymuned, elitaidd a gweinyddu Chwaraeon Cymru.
- Pa opsiynau safle eraill sy'n bodoli, yn enwedig ar gyfer y Ganolfan Genedlaethol yng Nghaerdydd.
- Sut i gefnogi a chynnal perfformiad mewn cyfnod o ansicrwydd.

Cafwyd adborth ar yr uchod gan yr Aelodau. Byddai'r cyfarfod nesaf o'r grŵp yn cael ei gynnal ym Mhlas Menai ddechrau mis Ebrill er mwyn i'r tîm rheoli gael cyflwyno eu cynllun busnes yn bersonol.

Cyf. Papur: SW(19)12

6. Cyllid a risg gorfforaethol

6.1 Adroddiad cyllid 2018/19 Ebr-Rhag

Cyflwynodd PR yr adroddiad hwn oedd yn darparu crynodeb o'r sefyllfa ariannol ar gyfer y naw mis tan fis Rhagfyr 2018. Roedd y ffigurau'n eithrio addasiadau ar gyfer y gofynion adrodd yn ôl statudol.

- Roedd tri atodiad yn ystod y flwyddyn wedi'u derbyn: £55k ychwanegol i gefnogi Gemau Cymru, cyfalaf o £250k yn gysylltiedig â chyfleuster pêl droed newydd ym Mharc Colier,

Wrecsam, a'r cyfalaf o £5m i'w neilltuo erbyn mis Mawrth 2020 (fel yr adroddwyd o dan eitem 5.6 uchod).

- Roedd y rhagolygon alldro adolygedig ar gyfer Plas Menai'n golygu rhagweld incwm adolygedig o £1.15m. Byddai arbedion pellach yn lleihau'r gwariant gweithredu. Roedd yr oedi gydag agor y pwll tan fis Ebrill wedi golygu bod yr incwm nofio wedi'i dynnu o'r swm a ragdybiwyd.
- Roedd incwm y Loteri yn lleihau, fel yr adroddwyd yn flaenorol i'r Bwrdd. Byddai'r broses o bennu'r gyllideb ar gyfer y blynyddoedd yn y dyfodol yn adlewyrchu hyn a byddai dull cynaliadwy o weithredu'n cael ei fabwysiadu.
- Er mwyn lleddfu pwysau llai o incwm, cynigiwyd defnyddio'r costau dyrannu yn weddill yr oedd yn ofynnol i'r Loteri eu talu i Dde Cymru.

Nododd yr Aelodau'r adroddiad.

Cyf. Papur: SW(19)08

6.2 Buddsoddiadau Partner 2019/20

Cyflwynodd GW y papur hwn yn gofyn am gymeradwyaeth y Bwrdd i estyniad ar gyfer y cyllid partner o 6 i 12 mis tan fis Mawrth 2020. Roedd yr argymhelliad hwn wedi cael ei lunio gan ymgynghori â phartneriaid. Roedd yn rhoi mwy o amser ar gyfer cyflwyno newid mewn cytundebau cyllid yn y dyfodol yn unol â'r strategaeth newydd a'r Weledigaeth ar gyfer Chwaraeon.

Trafodwyd staff Chwaraeon Cymru yn aelodau o fyrddau Cyrff Rheoli Chwaraeon. Cadarnhaodd y Weithrediaeth nad oedd unrhyw wrthdaro buddiannau wedi'i gyfaddawdu a chytunodd i sicrhau bod y staff yn cael hyfforddiant priodol, heb dderbyn rôl ar Fwrdd fyth pe bai'n eu rhoi mewn sefyllfa fregus.

CAM GWEITHREDU: Y Weithrediaeth i sicrhau bod y polisi mewn perthynas â staff yn aelodau o fyrddau partneriaid yn cael ei esbonio yn llawlyfr y staff a'r GLFW.

Cymeradwyodd yr Aelodau'r argymhelliad.

Cyf. Papur: SW(19)09

6.3 Cyllideb ddrafft 2019/20

Cyflwynodd PR yr adroddiad hwn oedd yn darparu crynodeb o setliad y gyllideb ddrafft gan Lywodraeth Cymru a buddsoddiad arfaethedig Chwaraeon Cymru ar gyfer 2019/20 gan gynnwys y Loteri. Roedd y Llythyr Cylch Gwaith ar gael i Aelodau ar-lein.

Roedd y ffigur refeniw yn aros yn ei unfan, ond roedd y 'toriad amser real' (ar ôl caniatáu ar gyfer dyfarniad tâl a thaliadau pensiwn) yn cyfateb i 8.4%. Byddai hwn yn cael ei ddarparu drwy gymysgedd o doriadau mewnol a gostyngiad bach mewn cyllid partner. Nid oedd unrhyw staff parhaol wedi cael eu recriwtio (roedd unrhyw benodiadau yn gontractau tymor byr yn unig).

Roedd y gyllideb yn cynnwys newidiadau i gostau staff fel yr adlewyrchwyd gan yr ymarfer tâl a graddfa. Yn ystod 2019/20, byddai'r cynnydd costau byw yn ddyledus ac roedd amcangyfrif o 2% ymlaen llaw ar gyfer cytundeb dwy flynedd wedi'i gynnwys. Roedd cyllideb Plas Menai'n dangos cynnydd ar gyfer costau gweithredol ond roedd disgwyl y byddai'r incwm gwirioneddol yn gwella. Roedd incwm y Loteri wedi gostwng ac roedd y duedd barhaus o ostyngiad yn achos pryder ar draws teulu'r Loteri.

Trafododd yr Aelodau yr ystyriaethau allweddol. Awgrymwyd bod y Prif Weithredwr yn ysgrifennu at y Gweinidog yn nodi sut oedd Chwaraeon Cymru wedi rhoi sylw i'r holl gostau o dan ei reolaeth ond byddai canlyniadau anochel o leihau'r cyfrif pennau oni bai fod adnoddau ychwanegol ar gael.

Cymeradwydd yr Aelodau gynnig y gyllideb.
Cyf. Papur: SW(19)10

6.4 Cofrestr Risg Gorfforaethol a Fframwaith Sicrwydd

Cyflwynodd PR yr adroddiad hwn. Ers y cyfarfod diwethaf o'r Bwrdd, roedd y newidiadau canlynol wedi'u gwneud. Roedd hyn wedi cael ei nodi gan y Pwyllgor Archwilio, Risg a Sicrwydd ym mis Rhagfyr.

- Llai o gyllid yn arwain at fethu cyflawni nodau corfforaethol: roedd y risg hon yn parhau ar lefel ganolog yn gyffredinol ond roedd ychydig yn uwch oherwydd bod disgwyl colli incwm y Loteri.
- Colli cefnogaeth wleidyddol: diweddarwyd i nodi bod gan Gymru Brif Weinidog newydd ac aildrefnu'r cabinet.
- Adfywio Llywodraethu/Bwrdd: amherthnasol bellach felly mae'r risg hon wedi cael ei harchifo.
- Methu cyflawni'r strategaeth Chwaraeon Cymunedol: diweddarwyd i adlewyrchu cynnydd y CSAP, dim newid i raddfa risg.

Roedd asesiadau risg perthnasol i oblygiadau Brexit yn parhau ac roeddent yn debygol o gael eu hychwanegu at y Gofrestr o Risgiau Corfforaethol yn y cyfarfod o'r Grŵp Rheoli Risg a Sicrwydd nesaf ym mis Mehefin.

Nododd yr Aelodau'r adroddiad.
Cyf. Papur: SW(19)11

7. Gweithgorau a phwyllgorau sefydlog

7.1 Pwyllgor Archwilio, Risg a Sicrwydd

Nodwyd cofnodion drafft y cyfarfod diwethaf ar 10 Rhagfyr 2018. Ni chodwyd unrhyw faterion ac ni ychwanegwyd unrhyw wybodaeth bellach.

7.2 Bwrdd Prosiect CSAP

Nodwyd cofnodion y cyfarfodydd blaenorol ar 11 Rhagfyr 2018 a 29 Ionawr 2019.

CAM GWEITHREDU: GW i gyflwyno diweddariad ar CSAP yn y cyfarfod nesaf o'r Bwrdd ym mis Mai.

7.3 Adolygiad Cyfleusterau Cenedlaethol Chwaraeon Cymru

Nodwyd cofnodion y cyfarfodydd blaenorol ar 4 Rhagfyr 2018 a 14 Ionawr 2019.

CAM GWEITHREDU: Sesiwn ychwanegol i drafod canfyddiadau'r grŵp hwn a'r argymhellion i'w rhoi cyn y cyfarfod nesaf o'r Bwrdd ym mis Mai.

7.4 Grŵp Llywio'r Strategaeth

Nodwyd cofnodion y cyfarfodydd blaenorol a gynhaliwyd ym mis Awst 2018 a mis Ionawr 2019. Nid oedd unrhyw wybodaeth bellach i'w hychwanegu. Roedd cofnod llawn wedi'i nodi o dan eitem 5.4 uchod.

7.5 Amrywiaeth Byrddau Partneriaid

Nodwyd cofnodion y cyfarfod blaenorol ar 6 Chwefror 2019.

CAM GWEITHREDU: GW i roi diweddariad i'r Bwrdd ar gynnydd amrywiaeth byrddau partneriaid yn y cyfarfod o'r Bwrdd ym mis Medi.

8. Adroddiad Grŵp Llywio'r Llysgenhadon Ifanc

Llongyfarchodd yr aelodau HC ar adroddiad rhagorol, a nodwyd, ac ni chodwyd unrhyw faterion.


9. Cofnodion y cyfarfod diwethaf (27 Tachwedd 2018) a materion yn codi

Derbyniwyd y cofnodion fel cofnod manwl gywir. Ni chodwyd unrhyw faterion pellach.

10. Unrhyw fater arall

- Byddai'r fenter Merched mewn Chwaraeon yn cael ei lansio yn y Senedd ar 5 Mawrth.
- Byddai darlith '*Beth mae'r mudiad Olympaidd wedi'i wneud i chwaraeon erioed?*' yn cael ei chynnal yn Ysgol Reolaeth Caerdydd ar 20 Mawrth.
- Gofynnodd y Prif Weithredwr i'r aelodau anfon syniadau ati am gyfarfyddiadau anffurfiol o'r Bwrdd rhwng y cyfarfodydd ffurfiol.

Daeth y cyfarfod i ben am 15:45

Llofnod:  Lawrence Conway CB, Cadeirydd

Dyddiad: *29th May* 2019